

სადეპოზიტო სერტიფიკატის სტანდარტული პირობები

შინაარსი

ტერმინთა განმარტებები.....	3
სერტიფიკატის მფლობელის განცხადებები და გარანტიები.....	3
ხელშეკრულების ძირითადი პირობები.....	4
ხელშეკრულების მოქმედება და ხელშეკრულების შეწყვეტა	5
კომუნიკაცია.....	5
კონფიდენციალურობა.....	5
პრეტენზიები და დავები.....	5
ფორს-მაჟორი	6
სხვა პირობები.....	6

სადეპოზიტო სერტიფიკატის სტანდარტული პირობები

1. ტერმინთა განმარტებები

- 1.1. თუ წინამდებარე პირობებით სხვა რამ არ არის განსაზღვრული ან/და მისი კონტექსტიდან სხვა რამ არ გამომდინარეობს, **ხელშეკრულებაში** მითითებულ ქვემოთმოცემულ ტერმინებს ენიჭებათ შემდეგი მნიშვნელობა:
 - 1.1.1. **ამონაწერი - სერტიფიკატის რეესტრში** არსებული ჩანაწერის საფუძველზე, **ბანკის** მიერ **სერტიფიკატის მფლობელისთვის** გადაცემული დოკუმენტი, რაც ადასტურებს სერტიფიკატის ფლობის ფაქტს;
 - 1.1.2. **ანგარიში - სერტიფიკატის მფლობელის ბანკში** არსებული საბანკო ანგარიშ(ებ)ი;
 - 1.1.3. **არასტანდარტული სერტიფიკატი - ბანკის** მიერ ემიტირებული **სერტიფიკატი**, რომელიც არ შეესაბამება **სტანდარტული სერტიფიკატისათვის კანონმდებლობით** განსაზღვრულ პირობებს;
 - 1.1.4. **სერტიფიკატის გამყიდველი - სერტიფიკატის მფლობელი**, რომელიც ასხვისებს **სერტიფიკატს**;
 - 1.1.5. **სერტიფიკატის მყიდველი - სერტიფიკატის** შემქმნით დანტერესებულ პირი, რომელიც იძენს **სერტიფიკატს**;
 - 1.1.6. **ბანკი -** სს „ლიბერთი ბანკი“ (ს/კ 203828304)/ემიტენტი, რომელიც **კანონმდებლობით** დადგენილი წესით ახორციელებს **სერტიფიკატის** ემისიას/გამოშვებას;
 - 1.1.7. **განაცხადი - ბანკის** მიერ მატერიალური დოკუმენტის, ელექტრონული, ოპტიკური ან სხვა მსგავსი საშუალებ(ებ)ის გამოყენებით შექმნილი და **სერტიფიკატის მფლობელისთვის** ან/და **სერტიფიკატის მყიდველისთვის** მიწოდებული წერილობითი ინფორმაცია (მათ შორის და არამარტო **სერტიფიკატის გასხვისების** დავალება და სხვა), რომელსაც **სერტიფიკატის მფლობელი, სერტიფიკატის მყიდველი** ეთანხმება ხელმოწერით ან/და ელექტრონული ფორმის დადასტურებით (ელექტრონული თანხმობა), რაც ითვლება **სერტიფიკატის მფლობელის, სერტიფიკატის მყიდველის** მიერ მატერიალურ დოკუმენტზე თანხმობის განცხადების/ნების გამოხატვის თანაბარი იურიდიული ძალის მქონედ. **განაცხადი** თან ერთვის **ხელშეკრულებას** და წარმოადგენს მის განუყოფელ ნაწილს;
 - 1.1.8. **განცხადებები და გარანტიები - პირობების** მე-2 მუხლში მოცემული **სერტიფიკატის მფლობელის** განცხადებები და გარანტიები;
 - 1.1.9. **დანართი - ბანკის** მიერ განსაზღვრული, **სერტიფიკატის მფლობელის/სერტიფიკატის მყიდველის** მიერ ხელმოწერილი ნებისმიერი დამატებითი დოკუმენტ(ებ)ი, რომელიც აზუსტებს, ცვლის ან/და წყვეტს **ხელშეკრულებას** ან/და **პირობებს** და წარმოადგენს **ხელშეკრულების** განუყოფელ ნაწილს;
 - 1.1.10. **კანონმდებლობა -** საქართველოს მოქმედი საკანონმდებლო და კანონქვემდებარე ნორმატიული აქტების, აგრეთვე საქართველოს ნორმატიულ აქტთა სისტემაში მოქცეული საქართველოს საერთაშორისო ხელშეკრულებების და შეთანხმებების ერთობლიობა;
 - 1.1.11. **კონფიდენციალური ინფორმაცია -** თუ **ხელშეკრულებით** სხვა რამ არ არის განსაზღვრული, **ხელშეკრულების** ხელმოწერის ან/და მისი შესრულების შედეგად ერთ-ერთი მხარის მიერ მეორე მხარის შესახებ მიღებული, დამუშავებული, შექმნილი ან/და გაგზავნილი ნებისმიერი ინფორმაცია/დოკუმენტაცია (მათ შორის ინფორმაცია/დოკუმენტაცია **მხარის** პერსონალური, წილობრივი, ფინანსური მონაცემების, **მხარის** მფლობელი/მმართველი/ურთიერთდაკავშირებული პირ(ებ)ის, **მესამე პირ(ებ)თან** არსებული გარიგებ(ებ)ის, მფლობელობაში არსებული მოძრავი ან/და უძრავი ობიექტ(ებ)ის, ბიზნეს პროცესის/პროცედურების, მარკეტინგული სტრატეგიის, პრექტ(ებ)ის ან/და სხვა სახის მონაცემების შესახებ) ან/და სხვა მნიშვნელოვანი ინფორმაცია/დოკუმენტაცია;
 - 1.1.12. **მესამე პირ(ებ)ი -** ნებისმიერი პირი, რომელიც არ წარმოადგენს **ხელშეკრულების მხარეს**;
 - 1.1.13. **მხარე/მხარეები - ბანკი** ან/და **სერტიფიკატის მფლობელი** კონტექსტის შესაბამისად;
 - 1.1.14. **პირი/პირები -** ფიზიკური პირ(ებ)ი, იურიდიული პირ(ებ)ი (მათ შორის საჯარო სამართლის იურიდიული პირ(ებ)ი), არასამეწარმეო (არაკომერციული) იურიდიული პირ(ებ)ი ან/და **კანონმდებლობის** საფუძველზე შექმნილი სხვა ორგანიზაციული/არარეგისტრირებული წარმონაქმნ(ებ)ი;
 - 1.1.15. **პირობები -** წინამდებარე დოკუმენტი, რომლითაც განსაზღვრულია **სერტიფიკატ(ებ)ის** გამოშვების, რეგისტრაციის, მიმოქცევისა და დაფარვის ძირითადი/სტანდარტული პირობები და რომელიც წარმოადგენს **ბანკის** მიერ ემიტირებული **სერტიფიკატ(ებ)ის** განუყოფელ ნაწილს და განთავსებულია **ბანკის** ვებ-გვერდზე: www.libertybank.ge;
 - 1.1.16. **სააგენტო ან დეპოზიტების დაზღვევის სააგენტო -** „დეპოზიტების დაზღვევის სისტემის შესახებ“ საქართველოს კანონის მიზნებისათვის შექმნილი დამოუკიდებელი საჯარო სამართლის იურიდიული პირი - დეპოზიტების დაზღვევის სააგენტო;
 - 1.1.17. **საბანკო დღე - ბანკის** მიერ დადგენილი სამუშაო დღის (**ბანკის** მიერ განსაზღვრული დასვენების ან/და **კანონმდებლობით** დადგენილი უქმე დღეების გარდა) ის ნაწილი, რომლის განმავლობაშიც **ბანკი** ახორციელებს საბანკო მომსახურებას;
 - 1.1.18. **საპროცენტო განაკვეთი/პროცენტი - სერტიფიკატის** საფუძველზე განსაზღვრული და **სერტიფიკატის თანხაზე** **ბანკის** მიერ დასარიცხი **სარგებლის** წლიური (წელიწადში 365 (სამას სამოცდახუთი) კალენდარული დღე) საპროცენტო განაკვეთის მოცულობა;
 - 1.1.19. **სარგებელი/დარიცხული სარგებელი - ბანკის** მიერ **სერტიფიკატის თანხით** სარგებლობის შედეგად **სერტიფიკატის მფლობელისათვის** გადასახდელი

- სარგებელი, რომელიც გამოითვლება **სერტიფიკატში** მითითებული **პროცენტის** სარგებლობის მიღებ პერიოდზე გაანგარიშებით და დისკონტის **სერტიფიკატის** შეთხვევაში გადახდილი იქნება **სერტიფიკატის** მოქმედების ვადის ბოლის სრულად, ხოლო საპროცენტო **სერტიფიკატის** შემთხვევაში ყოველ კალენდარულ თვეს შესაბამისი პროპორციით (ყოველთვიური გადასახდელი თანხა იანგარიშება შემდეგი ფორმულით: წლიური **სარგებლის** თანხა გაყოფილი 12-ზე (წელიწადში არსებული თვეების რაოდენობა));
- 1.1.20. **სერტიფიკატი - ბანკის** მიერ **სერტიფიკატის გამოშვების პირობების** შესაბამისად ემიტირებული, არამატერიალურული მიმოქცევადი ფინანსური ინსტრუმენტ(ებ)ი (დეპოზიტი), რის სანაცვლოდაც **სერტიფიკატის მფლობელი ბანკს** უხდის **სერტიფიკატის თანხას**, ხოლო **ბანკი სერტიფიკატის მფლობელს სერტიფიკატის** პირობით გათვალისწინებულ დღეს გადასცემს **სერტიფიკატის** პირობით გათვალისწინებულ თანხას (**სერტიფიკატის თანხა** ან/და **დარიცხული სარგებელი**).
- 1.1.21. **სერტიფიკატის თანხა -** სერტიფიკატის შესყიდვის ფასი, რომლის გადახდის სანაცვლოდაც **სერტიფიკატის მფლობელი** იძენს **სერტიფიკატს**;
- 1.1.22. **სერტიფიკატის გამოშვების პირობები -** წინამდებარე **პირობების დანართი** (მოწვევა ოფერტზე), რომელიც ასევე განთავსებულია **ბანკის** ვებ-გვერდზე (www.libertybank.ge.) და წარმოადგენს **ხელშეკრულების** განუყოფელ ნაწილს და მოიცავს მინიმუმ შემდეგ პირობებს: (ა) **სერტიფიკატის** ტიპს (ანონტიფიკატი ან/და საპროცენტო); (ბ) **სერტიფიკატის** გამოშვების მინიმალურ ოდენობას; (გ) **სერტიფიკატის** ვადიანობას და სხვა;
- 1.1.23. **სერტიფიკატის გამოსყიდვა - ბანკის** ცალმხრივი უფლებამოსილება საკუთარი შეხედულებისამებრ **სერტიფიკატის მფლობელის** თანხმობის ან მწონების გარეშე მითხოვოს **სერტიფიკატის** გამოსყიდვა, რა შემთხვევაშიც **სერტიფიკატის მფლობელი** ვალდებულია მიყიდოს **ბანკს** **სერტიფიკატი**, წინამდებარე პირობებით დადგენილი წესით;
- 1.1.24. **სერტიფიკატის გასხვისება - ხელშეკრულებით** დადგენილი პირობებით **სერტიფიკატის მფლობელის** მიერ **მესამე პირ(ებ)ისთვის** **სერტიფიკატზე** მოთხოვნის უფლების გადაცემა;
- 1.1.25. **სერტიფიკატის მფლობელი - პირი**, რომელმაც შეიძინა და რომელიც ფლობს **ბანკის** მიერ ემიტირებულ **სერტიფიკატს**;
- 1.1.26. **სერტიფიკატის ნომინალი - სერტიფიკატის მფლობელის** მიერ **სერტიფიკატის** მოქმედების ვადის ბოლოს მისაღები თანხა;
- 1.1.27. **სერტიფიკატის რეესტრი -** რეესტრი, რომელსაც აწარმოებს **ბანკი** და რომელშიც აღრიცხულია (მათ შორის ელექტრონულად) ემიტირებული **სერტიფიკატის** პირობები, მისი მფლობელის მონაცემები, მფლობელობაში გადაცემული **სერტიფიკატების** რაოდენობა და ა.შ.;
- 1.1.28. **სერტიფიკატის შექმნა - სერტიფიკატის მფლობელის** მიმართვის საფუძველზე **ბანკის** მიერ **სერტიფიკატის** შექმნა. ამასთან, **სერტიფიკატის** შექმნის შესახებ თანხმობის მიცემა წარმოადგენს **ბანკის** უფლებას და არა ვალდებულებას;
- 1.1.29. **სტანდარტული სერტიფიკატი - ბანკის** მიერ, „კომერციული ბანკების სტანდარტული სადეპოზიტო სერტიფიკატების დებულების დამტკიცების თაობაზე“ საქართველოს ეროვნული ბანკის პრეზიდენტის 2012 წლის 3 მაისის #49/04 ბრძანების შესაბამისად, საქართველოს ეროვნულ ვალუტაში, ემიტირებული **სერტიფიკატი**;
- 1.1.30. **ფორს-მაჟორი/ფორს-მაჟორული გარემოებ(ებ)ი - ხელშეკრულების** ხელმოწერის შემდეგ წარმოშობილი დაუძლეველი ძალის გარემოებები, სტიქიური მოვლენები, კატაკლიზმები, ომი, სამოქალაქო არეულობა, გაფიცვა, ლოკაუტი, კარანტინი, საკანონმდებლო, აღმსარებლები ხელისუფლების ან/და თვითმმართველობის ორგანოების, საერთაშორისო საგადაზღველო სისტემების გადაწყვეტილებები და ა.შ. რომელიც: (ა) არ არის დაკავშირებული **მხარეთა** ქმედებასთან ან/და უმოქმედობასთან; და (ბ) შეუძლებელს ხდის **მხარეთა** მიერ **ხელშეკრულებით** ნაკისრი ვადამოსული ვალდებულებ(ებ)ის სრულ და ჯეროვან შესრულებას;
- 1.1.31. **ხელშეკრულება - სერტიფიკატის მფლობელის** მიერ **ბანკისათვის** წარდგენილი **განაცხადის**, ხელმოწერილი **სერტიფიკატის**, წინამდებარე **პირობების, სერტიფიკატის გამოშვების პირობების** ან/და ნებისმიერი დამატებითი **განაცხადის, დანართის** ერთობლიობა, რომელიც დაიდო/დაიდებოა ხელშეკრულებასთან დაკავშირებით და წარმოადგენს მის განუყოფელ ნაწილს და რომლის საფუძველზეც და პირობების შესაბამისადაც **ბანკი** ახორციელებს **სერტიფიკატის მფლობელის** მომსახურებას;

2. სერტიფიკატის მფლობელის განცხადებები და გარანტიები

- 2.1. **სერტიფიკატის მფლობელი** აცხადებს და გარანტიას იძლევა, რომ:
 - 2.1.1. წარმოადგენს უფლებასწარმო და ქმედუნარიან პირს, რომელსაც **ხელშეკრულების** დადების, **სერტიფიკატის** შექმნის მიზნით მოპოვებული აქვს ყველა საჭირო თანხმობა, ნებართვა ან/და დავალება (მინდობილობა);
 - 2.1.2. მის (**სერტიფიკატის მფლობელის**) მიერ **ხელშეკრულების** დადება (**სერტიფიკატის** შექმნა) ან/და **ხელშეკრულების** შესრულება არ მიდის წინააღმდეგობაში **კანონმდებლობასთან**, არ იწვევს სხვა სახელშეკრულებო ურთიერთობებით ნაკისრი/განსაზღვრული ვალდებულებ(ებ)ის დარღვევას და არ წარმოშობს **მესამე პირ(ებ)ისათვის ხელშეკრულებაზე** შევიდების უფლებას;
 - 2.1.3. **ხელშეკრულების** დადების მიზნით, **ბანკისათვის** წარდგენილი ინფორმაცია არის უტყუარი და ზუსტი, ხოლო წარდგენილი დოკუმენტები წარმოადგენს სრულ და მოქმედ რედაქციას;
 - 2.1.4. **ხელშეკრულების** დადების მიზნით, **ბანკის** ან/და **მესამე პირ(ებ)ის** მხრიდან ადგილი არ ჰქონია, **სერტიფიკატის მფლობელის** ან მისი ახლობლების

მიმართ იძულებას, მოტყუებას ან/და მუქარას, **ზანკს** არ გამოუყენებია ბორცად **ზანკის** საბაზრო ძალაუფლება;

2.2. **სერტიფიკატის მფლობელი** ვალდებულია დაუყოვნებლივ შეატყობინოს **ზანკს** ნებისმიერი გარემოებების შესახებ, რამაც შესაძლოა გამოიწვიოს **ხელშეკრულებაში** მითითებული **განცხადებებისა და გარანტიების** ან/და **ხელშეკრულებით** ნაკისრი ნებისმიერი ვალდებულებების დარღვევა.

2.3. **მხარეები** აცნობიერებენ და თანხმდებიან, რომ **ხელშეკრულებას** დებენ **განცხადებებსა და გარანტიებზე** დაყრდნობით და თვლიან მათ **ხელშეკრულების** პირობებად. შესაბამისად, **ხელშეკრულებით** გათვალისწინებული **განცხადებებისა და გარანტიების** დარღვევა საკმარის საფუძველს წარმოადგენს **ზანკის** მიერ **ხელშეკრულებაზე** ცალმხრივი უარის სათქმელად.

3. ხელშეკრულების ძირითადი პირობები

3.1. **სერტიფიკატის შექმნა (პირველადი ვაჭრობა).** სერტიფიკატის შექმნამდე, დანტერესებული პირი ვალდებულია **ზანკში** იქონიოს აქტიური საბანკო ანგარიშები.

3.2. **სერტიფიკატის** შექმნით დანტერესებული პირი უფლებამოსილია მიმართოს **ზანკს** შექმნის **განცხადებით**, რომელშიც მითითებული იქნება **სერტიფიკატის გამოშვების პირობებიდან** გამომდინარე ის კონკრეტული პირობები, რა პირობებითაც სურს დანტერესებულ პირს **სერტიფიკატის** შექმნა (**სერტიფიკატის** სანაცვლოდ **სერტიფიკატის თანხის** **ზანკისათვის** გადახდა).

3.3. **სერტიფიკატის** გაცემა დამოკიდებულია მხოლოდ **ზანკის** ნებაზე. **ზანკი** ყოველ კონკრეტულ შემთხვევაში განიხილავს **სერტიფიკატის** შექმნის **განცხადებას** და დამოუკიდებლად წყვეტს მას. შექმნის **განცხადება** არ ავალდებულებს **ზანკს** ნებისმიერ შემთხვევაში გასცეს **სერტიფიკატი**, ის მხოლოდ განსაზღვრავს მოთხოვნილი **სერტიფიკატის** მინიმალურ წინაპირობებს და არეგულირებს **სერტიფიკატის** ემისის საფუძველზე **ზანკსა** და **სერტიფიკატის მფლობელს** შორის წარმოშობილ ურთიერთობებს.

3.4. შექმნის **განცხადების** დაკმაყოფილების შემთხვევაში, **სერტიფიკატის მფლობელი** **ზანკს** ანიჭებს უფლებამოსილებას, **ზანკმა** **სერტიფიკატის მფლობელის** მომსახურე ანგარიშიდან უაქცეპტო წესით ჩამოჭრას **სერტიფიკატის თანხა** და უზრუნველყოს მისი გადატანა **ზანკის** შესაბამის საბანკო ანგარიშზე. ამასთან, თუ **სერტიფიკატის მფლობელის** მომსახურე ანგარიშზე უემისხეული თანხა არ არსებობს ან არასაკმარისია, **სერტიფიკატის მფლობელი** ვალდებულია **სერტიფიკატის** მიღებამდე უზრუნველყოს აღნიშნული თანხის თავის მომსახურე ანგარიშზე განთავსება.

3.5. **განცხადების** დაკმაყოფილების შემთხვევაში, **სერტიფიკატის** გაცემა (ემისია) დასტურდება **მხარეთა** მიერ ხელმოწერილი **სერტიფიკატით** და **ზანკის** მიერ, **სერტიფიკატის მფლობელის** მოთხოვნისას, მისთვის გადაცემული **ამონაწერთი**.

3.6. **სერტიფიკატის** გაცემის (ემისიის) შემდგომ დაუშვებელია მასში (**სერტიფიკატში**) რაიმე სახის ცვლილებების ან/და დამატებების შეტანა.

3.7. **სარგებლის დარიცხვა.** **ზანკი** ვალდებულია დაარიცხოს **სერტიფიკატის თანხას** **სარგებელი სერტიფიკატის** 2.2.1. ქვეპუნქტში მითითებული **საპროცენტო განაკვეთის** გათვალისწინებით, ხოლო **სერტიფიკატის** 2.1.2. ქვეპუნქტით განსაზღვრული ვადის ამოწურვისას დაუბრუნოს **სერტიფიკატის მფლობელს** **სერტიფიკატის თანხა** და **დარიცხული სარგებელი** (ასეთის არსებობისას), რის შედეგადაც **ზანკის** მიერ ხორციელდება **სერტიფიკატის რეესტრში** შესაბამისი ჩანაწერის გაუქმება და წყდება **სერტიფიკატით** განსაზღვრული **სარგებლის** დარიცხვა.

3.8. **ზანკი** ვალდებულია **სერტიფიკატის მფლობელს** მომსახურე ანგარიშზე ჩაურიცხოს **დარიცხული სარგებელი სერტიფიკატის** 2.2.3. ქვეპუნქტით განსაზღვრული პირობით, იმის გათვალისწინებით, რომ:

3.8.1. თუ **სერტიფიკატით** განსაზღვრულია **სარგებლის სერტიფიკატის მფლობელისათვის** ყოველთვიურად გაცემა (საპროცენტო სადეპოზიტო სერტიფიკატი), **სარგებელი** მომსახურე ანგარიშზე ჩაირიცხება ყოველი მომდევნო თვის იმავე რიცხვში, რომელშიც **მხარეთა** მიერ ხელი მოეწერა **სერტიფიკატს**. ხოლო, თუ კონკრეტულ კალენდარულ თვეში არ არსებობს **სერტიფიკატის** ხელმოწერის კალენდარული რიცხვი, **სარგებლის** ჩაირიცხება **სერტიფიკატის მფლობელის** მომსახურე ანგარიშზე განხორციელდება აღნიშნული კალენდარული თვის ბოლო რიცხვში;

3.8.2. თუ **სერტიფიკატით** განსაზღვრულია **სარგებლის სერტიფიკატის მფლობელისათვის** **სერტიფიკატის** მოქმედების ვადის ბოლოს გაცემა (დისკონტური სადეპოზიტო სერტიფიკატი), **სარგებელი სერტიფიკატის მფლობელის** მომსახურე ანგარიშზე ჩაირიცხება **სერტიფიკატის** 2.1.2. ქვეპუნქტში მითითებული ვადის ბოლო კალენდარულ დღეს.

3.9. თუ **სერტიფიკატით** განსაზღვრულია **სარგებლის სერტიფიკატის მფლობელისათვის** ყოველთვიურად გაცემა (საპროცენტო სადეპოზიტო სერტიფიკატი), **სერტიფიკატის მფლობელი** უფლებამოსილია **დარიცხული სარგებელი** მითხოვოს/გაიტანოს (გადარიცხოს) **სერტიფიკატის** 2.2.3. ქვეპუნქტში მითითებული პერიოდულად.

3.10. **სერტიფიკატის გასხვისება (შეზღვევა ვაჭრობა).** **გირავნობა.** **სერტიფიკატის** მოქმედების ვადის განმავლობაში **სერტიფიკატის მფლობელი** უფლებამოსილია გაასხვისოს **სერტიფიკატი**. **სერტიფიკატის გასხვისება** შესაძლებელია განხორციელდეს **მესამე პირზე**.

3.11. **მესამე პირზე სერტიფიკატის გასხვისებისას** **სერტიფიკატის მფლობელმა** **სერტიფიკატის მფლობელი** შესაძლოა მოიძიოს, როგორც უშუალოდ, ასევე **ზანკის** საშუალებით/შუამავლობით, **ზანკისათვის** წარგენილი გასხვისების **განცხადების/დავალების** საფუძველზე.

3.12. თუ **სერტიფიკატის გასხვისება** ხდება **ზანკის** შუამავლობით, ასეთ შემთხვევაში **სერტიფიკატის მფლობელი** უფლებამოსილია **ზანკს** წარუდგინოს, **ზანკის** მიერვე განსაზღვრული, **განცხადება** (გასხვისების დავალეხა). ამასთან, მეორადი **სერტიფიკატის** შექმნით დანტერესებული **მესამე პირი** უფლებამოსილია დამოუკიდებლად მიმართოს **ზანკს** **სერტიფიკატის** შექმნის **განცხადებით**, რომელშიც მითითებული იქნება ის კონკრეტული პირობები, რა პირობებითაც სურს დანტერესებულ პირს **სერტიფიკატის მფლობელისაგან** **სერტიფიკატის** შექმნა.

3.13. შექმნის ან/და გასხვისების (მათ შორის გამოსყიდვის) **განცხადების** წარდგენა არ ავალდებულებს **ზანკს** ნებისმიერ შემთხვევაში მოიძიოს **სერტიფიკატის მფლობელი** ან/და **სერტიფიკატის გამყიდველი**, ის მხოლოდ განსაზღვრავს **სერტიფიკატის** გასხვისების/შემქმნის (გამოსყიდვის) მინიმალურ წინაპირობებს და არეგულირებს **სერტიფიკატის** გასხვისების/შემქმნის (გამოსყიდვის) შემთხვევაში **ზანკსა** და **სერტიფიკატის გამყიდველს/მფლობელს** შორის წარმოშობილ ურთიერთობებს.

3.14. **სერტიფიკატის გასხვისების** შემთხვევაში, **სერტიფიკატის გამყიდველი** ან/და **მფლობელი** ვალდებულია არიან **ზანკს** გადაუხადონ **სერტიფიკატის** 2.4 ქვეპუნქტით განსაზღვრული **გასხვისების საკომისიო**.

3.15. **სერტიფიკატის** გასხვისებისას, **სერტიფიკატის მფლობელზე** **სერტიფიკატის** გადაცემა უნდა მოხდეს სრულად. **სერტიფიკატის** ნაწილობრივ გასხვისება დაუშვებელია.

3.16. **სერტიფიკატი გასხვისებულად** ჩაითვლება მას შემდეგ რაც: (ა) **სერტიფიკატის მფლობელი** **ზანკში** გასხვისის ანგარიშზე; (ბ) **ზანკი** მის (**ზანკის**) მიერვე განსაზღვრული ფორმით, მიიღებს **სერტიფიკატის გასხვისების განცხადება/დავალებას**; (გ) განხორციელდება **ზანკის** მიმართ ანგარიშსწორება; და (დ) **ზანკი** **სერტიფიკატის გასხვისების** თაობაზე შესაბამის ჩანაწერს გაუქმებს **სერტიფიკატის რეესტრში**. **სერტიფიკატის** გასხვისების შემთხვევაში **სერტიფიკატის მფლობელს** **ზანკი** გადასცემს **ამონაწერს**.

3.17. ყოველ **ჯერზე** **სერტიფიკატის გასხვისებისას** **ხელშეკრულებით** განსაზღვრული მოთხოვნები და უფლებები **სერტიფიკატის მფლობელზე** გადადის ისეთსავე მდგომარეობაში, როგორც ისინი **სერტიფიკატის გამყიდველის** ხელში იყვნენ და **სერტიფიკატის მფლობელი** იკავებს **სერტიფიკატის გამყიდველის** ადგილს.

3.18. **სერტიფიკატის** გასხვისებისას ფასთაშორისი სხვაობის სახით (არასაპროცენტო) შემოსავლის მიღების შემთხვევაში, **სერტიფიკატის გამყიდველი** ვალდებულია თავად უზრუნველყოს ამ შემოსავლის დეკლარირება და შესაბამისი გადასახადის გადახდა **კანონმდებლობით** დადგენილი წესით.

3.19. **სერტიფიკატის** მოქმედების განმავლობაში **სერტიფიკატის მფლობელი** უფლებამოსილია განახორციელოს **სერტიფიკატის** დაგირავება.

3.20. **სერტიფიკატის** ნაწილობრივ დაგირავება (მაგალითად **სარგებლის** დაგირავება) დაუშვებელია. ნებისმიერი გარიგება **სერტიფიკატის მფლობელსა** და **მესამე პირ(ებს)** შორის, რომელიც არღვევს წინამდებარე ვალდებულებას ჩაითვლება ბათილად.

3.21. **სერტიფიკატის ზანკის მიერ შექმნა და გამოსყიდვა.** **სერტიფიკატის** მოქმედების განმავლობაში **ზანკი** უფლებამოსილია: (ა) **სერტიფიკატის მფლობელის** მიმართვის საფუძველზე თავად შეიძინოს **სერტიფიკატი** (შემდგომში - **სერტიფიკატის შექმნა**) ან/და მოითხოვოს **სერტიფიკატის მფლობელისაგან** **სერტიფიკატის** გამოსყიდვა (შემდგომში - **სერტიფიკატის გამოსყიდვა**).

3.22. **სერტიფიკატის მფლობელისათვის** ცნობილია და ეთანხმება, რომ **ზანკის** მიერ **სერტიფიკატის შექმნა** ან/და **სერტიფიკატის გამოსყიდვა** წარმოადგენს **ზანკის** უფლებამოსილებას და არა მის ვალდებულებას.

3.23. თუ **სერტიფიკატის მფლობელის** მიერ **სერტიფიკატის** შექმნიდან გასული არანაკლებ 3 (სამი) თვისა, **ზანკი** უფლებამოსილია **სერტიფიკატის მფლობელს** შესთავაზოს, ხოლო **სერტიფიკატის მფლობელი** ასეთი შეთავაზების მიღებისას ვალდებულია **ზანკს** მიყიდოს **სერტიფიკატი** (**სერტიფიკატის გამოსყიდვა**), **ზანკის** მიერ **სერტიფიკატის გამოშვების პირობებით** განსაზღვრული ფასით.

3.24. **სერტიფიკატის გამოსყიდვის** შემთხვევაში **სერტიფიკატის მფლობელი** ვალდებულია **ზანკის** შესაბამისი მოთხოვნის მიღებიდან 14 (თოთხმეტი) კალენდარული დღის ვადაში გამოცხადდეს **ზანკში**, ხელი მოაწეროს ყველა საჭირო დოკუმენტაციას ან/და განახორციელოს ყველა საჭირო ქმედება, რაც აუცილებელი იქნება **სერტიფიკატის** გამოსყიდვისთვის.

3.25. **სერტიფიკატის მფლობელის** დადგენილ ვადაში **ზანკში** გამოუცხადებლობისას ან/და **სერტიფიკატის მფლობელის** მიერ მის მიმართ მოთხოვნილი ქმედებების შეუსრულებლობის შემთხვევაში, **ზანკი** უფლებამოსილია: (ა) ცალმხრივად გამოისყიდოს **სერტიფიკატი** და (ბ) **სერტიფიკატის** გამოსყიდვის საფასური ჩარიცხოს **სერტიფიკატის მფლობელის** მომსახურე ანგარიშზე.

3.26. **სერტიფიკატის ზანკის** მიერ შექმნის შემთხვევაში **ზანკი** **სერტიფიკატის მფლობელს** **სერტიფიკატის** შექმნის სანაცვლოდ გადაუხადის **სერტიფიკატის გამოშვების პირობებით** განსაზღვრულ საფასურს.

3.27. **სერტიფიკატის გამოშვების პირობებით** განსაზღვრული **ზანკის** მიერ **სერტიფიკატის** შექმნის ან/და გამოსყიდვის საფასურის მიუხედავად, **ზანკი** უფლებამოსილია, ნებისმიერ დროს საკუთარი შეხედულებისამებრ, **სერტიფიკატის მფლობელს** შესთავაზოს **სერტიფიკატის** განსხვავებული შექმნის ან/და გამოსყიდვის საფასური.

3.28. **ზანკის** მიერ **სერტიფიკატის** შექმნა/გამოსყიდვა ავტომატურად იწვევს **ხელშეკრულების** შეწყვეტას.

3.29. **ზანკის** მიერ **სერტიფიკატის შექმნისას** ფასთაშორისი სხვაობის სახით (არასაპროცენტო) შემოსავლის მიღების შემთხვევაში, **ზანკი** ვალდებულია თავად

უზრუნველყოს ამ შემოსავლის დეკლარირება და შესაბამისი გადასახადის გადახდა კანონმდებლობით დადგენილი წესით.

3.30. სხვა დანახარები პირიდან ბანკი უფლებამოსილია განკარგოს სერტიფიკატის თანხა საკუთარი სახელითა და შეხედულებისამებრ.

3.31. სერტიფიკატის მფლობელი (სერტიფიკატის მფლობელი) აცხადებს წინასწარ თანხმობას ბანკის სრულ უფლებამოსილებაზე, ბანკმა საკუთარი შეხედულებისამებრ:

3.30.1. განახორციელოს ბანკში სერტიფიკატის მფლობელის (სერტიფიკატის მფლობელი) ანგარიშზე არსებული თანხების სრული ან/და ნაწილობრივი ბლოკირება;

3.30.2. სერტიფიკატის მფლობელის (სერტიფიკატის მფლობელი) ნებისმიერი სახის ბანკში არსებული ანგარიშიდან უაქცეპტოდ ჩამოიწეროს ყველა გადასახდელი (მათ შორის ერთმნიშვნელოვან და საკომისიო, პირგამამტებლო, ზიანის/ზარალის ანაზღაურების თანხები) და მიმართოს სერტიფიკატის მფლობელის (სერტიფიკატის მფლობელი) ბანკის მიმართ არსებული ფულადი ვალდებულების ან/და სხვა ვალდებულებების დასაფარად/შესამტებლად (ასეთების არსებობისას);

3.30.3. თუ გადასახდელი და ანგარიშზე რიცხული თანხა სხვადასხვა ვალუტაშია, ბანკმა თავად განახორციელოს კონვერტაცია გადახდის თარიღისათვის ბანკში მოქმედი კომერციული კურსით, ხოლო კონვერტაციის მომსახურების ღირებულება ასევე უაქცეპტოდ ჩამოიწეროს სერტიფიკატის მფლობელის (სერტიფიკატის მფლობელი) ანგარიშიდან.

3.32. სერტიფიკატის მფლობელი ვალდებულია სრულად შეინახოს ხელშეკრულებასთან დაკავშირებული დოკუმენტაცია.

4. ხელშეკრულების მოქმედება და ხელშეკრულების შეწყვეტა

4.1. ხელშეკრულება ძალაში შედის სერტიფიკატის მფლობელის მიერ სერტიფიკატის ხელმოწერის დღიდან და მოქმედებს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

4.2. ხელშეკრულების ვადამდე შეწყვეტა და სერტიფიკატის თანხის ვადამდე მოთხოვნა ბანკისაგან, სერტიფიკატის მოქმედების ვადის ამოწურვამდე, დაუშვებელია. ხელშეკრულების ვადამდე შეწყვეტა დასაშვებია მხოლოდ ბანკის მიერ სერტიფიკატის გამოსყიდვის შეთხვევაში. ამასთან, სერტიფიკატის გამოსყიდვა წარმოადგენს ბანკის უფლებამოსილებას და არა მის ვალდებულებას.

4.3. სერტიფიკატის მოქმედების ვადის ამოწურვის შემთხვევაში, სერტიფიკატის ნომინალი (სერტიფიკატის თანხა ან/და დარიცხული სარგებელი) ბანკის მიერ ჩაირიცხება სერტიფიკატის 2.1.3. ქვეპუნქტში მითითებულ მომსახურებ ანგარიშზე და ბანკი შეწყვეტს სერტიფიკატის თანხაზე სარგებლის დარიცხვას.

4.4. ხელშეკრულების შეწყვეტა არ ათავისუფლებს სერტიფიკატის მფლობელს ხელშეკრულებით ნაკისრი ან/და კანონმდებლობით დადგენილი ვალდებულებების სრულად და ჯეროვნად შესრულებასთან დაკავშირებული ვალდებულებების იძულებითი ან ნებაყოფლობითი შესრულების მომენტამდე.

4.5. თუ ხელშეკრულებით სხვა რამ არ არის განსაზღვრული, ხელშეკრულების შეწყვეტის შემთხვევაში ბანკი თავისუფლდება ხელშეკრულებით ნაკისრი ან/და კანონმდებლობით დადგენილი ვალდებულებების სრულად და ჯეროვნად შესრულებისაგან.

5. კომუნიკაცია

5.1. მხარეთა შორის ნებისმიერი ურთიერთობა უნდა განხორციელდეს წერილობითი ფორმით და მიეწოდოს მხარეს სერტიფიკატში ან/და ბანკთან არსებულ სხვა ხელშეკრულებებში მითითებულ საკონტაქტო მონაცემებზე პირადად, კურიერის (მათ შორის რეგისტრირებული ფოსტის ან/და სასამართლო კურიერის), ელექტრონული ფოსტის, ფიჭური კავშირგაბმულობის (მოკლექტესტური შეტყობინების), ინტერნეტ-ბანკის, მობაილ-ბანკის ან/და ბანკის მიერ შემდგომში განსაზღვრული კომუნიკაციის სხვა საშუალებებით, იმის გათვალისწინებით, რომ:

5.1.1. სერტიფიკატის მფლობელის მიერ ბანკისათვის პირადად ან/და კურიერის საშუალებით გაგზავნილი შეტყობინება ჩაბარებულად ითვლება ბანკის კანცელარიაში შეტყობინების რეგისტრაციის დღეს, ხოლო ელექტრონული ფოსტის მისამართზე გაგზავნილი, ბანკის მიერ - სერტიფიკატის მფლობელისათვის მიღების დამადასტურებელი საპასუხო ელექტრონული წერილის გაგზავნის დღეს;

5.1.2. ბანკის მიერ სერტიფიკატის მფლობელისათვის კურიერის (მათ შორის რეგისტრირებული ფოსტის ან/და სასამართლო კურიერის) საშუალებით გაგზავნილი შეტყობინება ჩაბარებულად ითვლება სერტიფიკატის მფლობელისათვის ჩაბარების დღეს, ხოლო აღნიშნული ჩაბარების დადასტურების არ არსებობის შემთხვევაში სერტიფიკატის მფლობელის მისამართზე შეტყობინების ნებისმიერი პირისთვის ჩაბარებიდან მომდევნო კალენდარულ დღეს;

5.1.3. ბანკის მიერ სერტიფიკატის მფლობელისათვის ელექტრონული ფოსტის საშუალებით გაგზავნილი შეტყობინება ჩაბარებულად ითვლება სერტიფიკატის მფლობელის ელექტრონული ფოსტის სერვერიდან მიღებული დასტურის (ადრესატის ელექტრონულ ფოსტაში რეგისტრაციის შესახებ შეტყობინების) გაცემის დღეს. ხოლო ასეთი დასტურის არ არსებობის შემთხვევაში მომდევნო კალენდარულ დღეს;

5.1.4. ბანკის მიერ სერტიფიკატის მფლობელისათვის ფიჭური კავშირგაბმულობის (მოკლექტესტური შეტყობინების), ინტერნეტ-ბანკის, მობაილ-ბანკის ან/და ბანკის მიერ შემდგომში განსაზღვრული კომუნიკაციის სხვა

საშუალებებით გაგზავნილი შეტყობინება ჩაბარებულად ითვლება შეტყობინების გაგზავნიდან მომდევნო კალენდარულ დღეს.

5.2. იმ შემთხვევაში, თუ სერტიფიკატის მფლობელი სერტიფიკატით გათვალისწინებული ნებისმიერი საკონტაქტო მონაცემის (მათ შორის ხელშეკრულებაში არსებული ნებისმიერი რეკვიზიტის) ცვლილების შესახებ წინასწარ არ შეტყობინებს ბანკს ან/და უშუალოდ ან საკონტაქტო პირის საშუალებით უარს განაცხადებს ხელშეკრულების საფუძველზე გაგზავნილი შეტყობინების მიღებაზე, ბანკის მიერ განხორციელებული ნებისმიერი ასეთი შეტყობინება ჩაითვლება ჩაბარებულად შეტყობინების გაგზავნიდან მომდევნო კალენდარულ დღეს.

5.3. მხარეთა შორის კომუნიკაცია ხორციელდება ქართულ ენაზე, ამასთან, ბანკი უფლებამოსილია სერტიფიკატის მფლობელთან კომუნიკაცია განახორციელოს სერტიფიკატის მფლობელისათვის მისაღებ სხვა ენაზე.

5.4. ბანკი უფლებამოსილია განახორციელოს სერტიფიკატის მფლობელთან კომუნიკაცია სხვადასხვა მიზნით. შესაბამისად, სერტიფიკატის მფლობელისთვის განკუთვნილი შეტყობინება (როგორც წერილობითი ასევე ზეპირი) შესაძლოა ატარებდეს (ა) საინფორმაციო/ტრანსაქციულ (მაგალითად ინფორმაცია სერტიფიკატის მფლობელის ანგარიშზე შესრულებული ოპერაციების შესახებ, წვდომის კოდების სერტიფიკატის მფლობელისთვის მიწოდება და სხვა), (ბ) სახელშეკრულებო-ვალდებულებით (მაგალითად, ვალდებულების შესრულების მოთხოვნა და სხვა), (გ) მარკეტინგულ (მაგალითად, ახალი ანაზღაურების ან სხვა პროდუქტის შეთავაზება და სხვა) ან/და კანონმდებლობით განსაზღვრულ შინაარსს.

5.5. ბანკი უფლებამოსილია სერტიფიკატის მფლობელთან კომუნიკაციისას გამოიყენოს ბანკში სერტიფიკატის მფლობელის ან მისი თანხმობით მესამე პირების მიერ სერტიფიკატის მფლობელის შესახებ დაფიქსირებული, ან თავად სერტიფიკატის მფლობელის მიერ მესამე პირების შესახებ მითითებული ნებისმიერი საკონტაქტო მონაცემი. ერთი სახელშეკრულებო ურთიერთობის ფარგლებში დაფიქსირებული სერტიფიკატის მფლობელის ან/და მესამე პირ(ებ)ის საკონტაქტო მონაცემები (მოუხედავად იმისა მოქმედია თუ არა აღნიშნული ხელშეკრულება), ბანკის მიერ შესაძლებელია გამოიყენებული იქნას, ამავე ან/და სხვა სერტიფიკატის მფლობელის ან/და სხვა მესამე პირების ბანკთან არსებული სხვა სახელშეკრულებო ურთიერთობის ფარგლებში კომუნიკაციის მიზნით და პირიქით.

5.6. სერტიფიკატის მფლობელი თავად არის პასუხისმგებელი იმ შედეგებზე, რაც შეიძლება გამოიწვევოს იყოს საკონტაქტო მონაცემების გამოყენებისას კონფიდენციალურობის დარღვევის შედეგად. თუ სერტიფიკატის მფლობელს არ სურს ბანკმა ისარგებლოს რომელიმე საკონტაქტო მონაცემით, სერტიფიკატის მფლობელმა აღნიშნული მოთხოვნით ბანკს უნდა მიმართოს წერილობით.

6. კონფიდენციალურობა

6.1. მხარე ვალდებულია, როგორც ხელშეკრულების მოქმედების ვადაში, ასევე სახელშეკრულებო ურთიერთობის დასრულების შემდეგაც, არ გაამჟღავნოს ან/და მესამე პირ(ებ)ს არ გადასცეს კონფიდენციალური ინფორმაცია.

6.2. კონფიდენციალური ინფორმაციას არ განკუთვნიან: (ა) ინფორმაცია რომელიც კონფიდენციალურობის საფუძველზე არის გაცემდა საჯარო; (ბ) ინფორმაცია, რომლის გამჟღავნებაც თაობაზე არსებობს კონფიდენციალური ინფორმაციის მესაკუთრე მხარის წინასწარი წერილობითი თანხმობა ან/და მხარეთა შეთანხმება; (გ) ინფორმაცია, რომლის გამჟღავნებაც განხორციელდება, კანონმდებლობით გათვალისწინებულ შემთხვევებში, მათ შორის მესამე პირ(ებ)ის კანონიერი მოთხოვნის დაკმაყოფილების შედეგად.

6.3. სერტიფიკატის მფლობელი ბანკს ანიჭებს უფლებამოსილებას, ფინანსური ან/და საინფორმაციო-ანალიტიკური მონაცემების შეგროვების მიზნით, მესამე პირ(ებ)ს გადასცეს ან/და მესამე პირ(ებ)ისაგან (მათ შორის ს.ს.ი.პ. სახელმწიფო სერვისების განვითარების სააგენტო, ს.ს. „კრედიტინფო საქართველო“ (საიდენტიფიკაციო კოდი: 204470740) და სხვა) მიიღოს, სერტიფიკატის მფლობელის შესახებ არსებული კონფიდენციალური ინფორმაცია.

7. პრეტენზიები და დავები

7.1. ხელშეკრულებიდან გამომდინარე ყველა დავა უნდა გადაწყდეს მხარეთა შორის მოლაპარაკების გზით.

7.2. დავის მოუგვარებლობის შემთხვევაში, მხარეები მიმართავენ სასამართლოს ბანკის ადვოკატურის მიხედვით. ამასთან, მხარეები თანხმდებიან, რომ დავასთან დაკავშირებით პირველი ინსტანციის სასამართლოს მიერ ბანკის სასარგებლოდ მიღებული გადაწყვეტილება მიქცეული იქნება დაუყოვნებლივ აღსასრულებლად.

7.3. სერტიფიკატის მფლობელი უფლებამოსილია, გაწეულ საბანკო მომსახურებასთან დაკავშირებით პრეტენზიის არსებობის შემთხვევაში, პრეტენზიის წარმოშობიდან 30 (ოცდაათი) კალენდარული დღის განმავლობაში, აცნობოს ბანკს აღნიშნულის შესახებ ზეპირი ან წერილობითი ფორმით ბანკის ენციკლოპედიის ან/და სერვის-ცენტრების მეშვეობით, ან/და ელექტრონული ფორმით ბანკის კორპორატიული ვებ გვერდის www.libertybank.ge ან/და ელ-ფოსტა ConsumerProtection@libertybank.ge საშუალებით, ხელშეკრულებით განსაზღვრული წესით, ბანკში დადგენილი პროცედურის შესაბამისად.

7.4. ბანკის მიერ პრეტენზიის განხილვის და შესაბამისი პასუხის მიღების მაქსიმალური ვადა შეადგენს 1 (ერთი) თვეს.

7.5. სერტიფიკატის მფლობელს შესაძლებლობა აქვს გაეცნოს ბანკის მიერ პრეტენზიების განხილვის პროცედურას ბანკის ვებ გვერდის www.libertybank.ge საშუალებით.

8. ფორს-მაჟორი

8.1. მხარე არ არის პასუხისმგებელი მის მიერ ხელშეკრულებით ნაკისრი ვალდებულებების შეუსრულებლობაზე ან/და არაჯეროვან შესრულებაზე, თუ აღნიშნული შეუსრულებლობა ან/და არაჯეროვანი შესრულება განპირობებულია ფორს-მაჟორული გარემოებების მოქმედების შედეგად.

8.2. ფორს-მაჟორის მოქმედების განმავლობაში, ხელშეკრულებით გათვალისწინებული ვალდებულებები და მათი შესრულების ვადები შეჩერდება და გადავადდება ფორს-მაჟორის ხანგრძლივობის შესაბამისად. აღნიშნული ვადების დინება ან/და ვალდებულებების შესრულების პირობა განახლდება ფორს-მაჟორული გარემოებების აღმოფხვრისთანავე.

9. სხვა პირობები

9.1. თუ სერტიფიკატის დაბრუნების ან/და მასზე დარიცხული სარგებლის ანგარიშზე განთავსების თარიღი ემთხვევა არა საბანკო დღეს, სერტიფიკატის მფლობელის მიერ თანხის გატანა (გადარიცხვა) განხორციელდება მომდევნო საბანკო დღეს.

9.2. თუ ხელშეკრულებით სხვა რამ არ არის განსაზღვრული, გარდა სერტიფიკატის პირობებისა, ბანკი იტოვებს უფლებას ნებისმიერ დროს ცალმხრივად შეცვალოს წინამდებარე ხელშეკრულება (მათ შორის ერთმნიშვნელოვნად პირობები ან/და სერტიფიკატის გამოშვების პირობები) იმისათვის, რომ იგი შესაბამისობაში მოვიდეს ბანკში დადგენილ ახალ წესებთან/გადაწყვეტილებებთან, შევიდეს საბანკო პირობებთან, საბანკო პრაქტიკასთან ან/და კანონმდებლობასთან. წინამდებარე პირობების ან/და სერტიფიკატის გამოშვების პირობების ცვლილების შემთხვევაში, ბანკი სერტიფიკატის მფლობელს აღნიშნულის თაობაზე შეატყობინებს ბანკის საინფორმაციო საშუალებების (ბანკის ვებ-გვერდზე ცვლილებების განთავსებით ან/და ხელშეკრულებით განსაზღვრული კომუნიკაციის არხებით) მეშვეობით.

9.3. ხელშეკრულების რომელიმე მუხლ(ებ)ის, პუნქტ(ებ)ის ან/და ქვეპუნქტ(ებ)ის კანონმდებლობის საფუძველზე ბათილად ცნობის/მალიდაკარგულად გამოცხადების შემთხვევაში დანარჩენი მუხლ(ებ)ი, პუნქტ(ებ)ი, ქვეპუნქტ(ებ)ი ინარჩუნებენ იურიდიულ ძალას.

9.4. დაუშვებელია ხელშეკრულებაში ხელით (მათ შორის კალმით ან/და სხვა საწერი საშუალებებით) რაიმე სახის ჩასწორების/კორექტირების შეტანა,

ნებისმიერი ასეთი სახის ჩასწორება/კორექტირება ჩაითვლება ბათილად და ვერ მოახდენს გავლენას ხელშეკრულების პირობ(ებ)ის ინტერპრეტაციაზე.

9.5. ხელშეკრულების პირობების მოქმედება სრულად ვრცელდება მხარეებზე მათ თანამშრომლებზე, წარმომადგენლებზე, სამართალმემკვიდრეებსა და უფლებამონაცვლელებზე.

9.6. ხელშეკრულება რეგულირდება და განიმარტება კანონმდებლობის შესაბამისად. იმ შემთხვევებში, რომლებიც არ არის გათვალისწინებული ხელშეკრულებით მხარეები იხელმძღვანელებენ კანონმდებლობით დადგენილი შესაბამისი ურთიერთობის მარეგულირებელი ნორმებით ან/და დამატებით შეთანხმებული პირობებით. ამასთან, მხარეები თანხმდებიან, რომ ხელშეკრულების შესრულების ადგილად მიიჩნევა ბანკის იურიდიული მისამართი.

9.7. ბანკის მიერ ხელშეკრულებით გათვალისწინებული ნებისმიერი უფლებ(ებ)ის (მათ შორის სერტიფიკატის მფლობელის მიერ ხელშეკრულებიდან ან/და კანონმდებლობიდან გამომდინარე ვალდებულებების დარღვევისას წარმოშობილი უფლებ(ებ)ის) გამოყენებლობა არ წარმოადგენს ამ უფლებებზე ბანკის მიერ უარის თქმის საფუძველს. ამასთან, ნებისმიერი და ყოველი უფლება, რომელიც მიენიჭება მხარეს მეორე მხარის მიერ ხელშეკრულების ან/და კანონმდებლობის სრულად ან ნაწილობრივ დარღვევის შედეგად, კრებითა და დაემატება ხელშეკრულებით ან/და კანონმდებლობით მინიჭებულ ყველა სხვა უფლებას.

9.8. ხელშეკრულებაში არსებული მუხლ(ებ)ი/პუნქტ(ებ)ი/ქვეპუნქტ(ებ)ი დანომრილი და დასათაურებულია, ხოლო გამუქებული სიტყვები მოცემულია ხელშეკრულების შინაარსის მოხერხებულად აღქმის მიზნით და არ ახდენს გავლენას ხელშეკრულების პირობ(ებ)ის ინტერპრეტაციაზე.

9.9. სერტიფიკატის თითო თანაბარი იურიდიული ძალის მქონე ეგზემპლარი გადაეცემა მხარეებს.

9.10. მხარეები ხელს აწერენ სერტიფიკატის ყველა გვერდს.

9.11. ხელშეკრულება შედგენილია ქართულ ენაზე. ბანკის სურვილის შემთხვევაში ხელშეკრულება (მათ შორის მის საფუძველზე ემიტირებული სერტიფიკატი) დამატებით შესაძლოა დაიდოს სხვა ენაზეც. ამ შემთხვევაში ქართულ ენაზე შედგენილ ხელშეკრულებას და მის პირობებს უპირატესობა მიენიჭება სხვა ენაზე შედგენილ ხელშეკრულებასთან და მის პირობებთან მიმართებაში.

2018 წლის 1 იანვრიდან დეპოზიტების დაზღვევის სისტემის შესახებ კანონის თანახმად, ყველა ფიზიკური პირის დეპოზიტზე/ანგარიშზე არსებული თანხა, დეპოზიტების/ანგარიშების რაოდენობის მიუხედავად, თითოეულ კომერციულ ბანკში დაზღვეულია და დეპოზიტების დაზღვევის სააგენტოს მიერ ანაზღაურდება 5,000 ლარის ფარგლებში, ხოლო დანარჩენი თანხა ანაზღაურდება მოქმედი კანონმდებლობით გათვალისწინებული წესით. დამატებითი ინფორმაცია იხილეთ დეპოზიტების დაზღვევის სააგენტოს ვებგვერდზე: www.diagency.ge.

რა თანხა ანაზღაურდება სადაზღვევო შემთხვევის დადგომისას სააგენტოს მიერ? – ერთსა და იმავე კომერციულ ბანკში კლიენტის ანგარიშებზე (მათ შორის უცხოური ვალუტით) არსებული თანხები დაჯამდება და დეპოზიტების დაზღვევის სააგენტოს მიერ ანაზღაურებას დაექვემდებარება 5,000 ლარამდე თანხა, ხოლო თუ თანხა აღემატება 5,000 ლარს, დანარჩენი თანხა ანაზღაურდება მოქმედი კანონმდებლობით გათვალისწინებული წესით;

როგორ ვისარგებლო დეპოზიტების დაზღვევით? – კომერციულ ბანკში ყველა ფიზიკური პირის ყველა ანგარიშზე არსებული თანხა ავტომატურად დაზღვეულია დამატებითი საზღაურის გარეშე;

კომერციულ ბანკში სადაზღვევო შემთხვევის დადგომისას ანაზღაურების პირობები – სადაზღვევო შემთხვევის დადგომიდან არაუგვიანეს 20 (ოცი) კალენდარული დღე, მიუხედავად იმისა, მოცემულ მომენტში კომერციულ ბანკს გააჩნია თუ არა შესაბამისი სახსრები;

ანაზღაურების ვალუტა – ლარი.

სს „ლიბერთი ბანკი“ წარმოადგენს ლიზენცირებულ ფინანსურ ინსტიტუტს და მოქმედებს 2010 წლის 31 მარტს საქართველოს ეროვნული ბანკის მიერ გაცემული #0110247 ლიცენზიის საფუძველზე;

სს „ლიბერთი ბანკის“ სათავო ოფისი მდებარეობს ქ. თბილისში, ჭავჭავაძის გამზ. #74-ში 0162. დეტალური ინფორმაცია სს „ლიბერთი ბანკის“ მომსახურების პირობების და მომსახურების ობიექტების შესახებ ხელმისაწვდომია ბანკის ვებ-გვერდზე <http://libertybank.ge>;

სს „ლიბერთი ბანკის“ საზედამხედველო ორგანოს წარმოადგენს საქართველოს ეროვნული ბანკი, რომლის შესახებაც დეტალური ინფორმაცია შეგიძლიათ იხილოთ შემდეგ ვებ გვერდზე - <http://nbg.gov.ge>;

საქართველოს ეროვნული ბანკი არც ერთ შემთხვევაში არ არის პასუხისმგებელი სს „ლიბერთი ბანკის“ მიერ ვალდებულებების არაჯეროვან შესრულებაზე.